


摩訶僧祇律

卷二十二

三百八
仕二

49826



元祐九年丙子二月日重脩

皇圖聖國 帝漸銀昌

佛日增輝 懋容輪常轉

山城州天安寺法金剛院置

松增德書



Handwritten annotations in the right margin, including a large bracket-like symbol and other illegible characters.

摩訶僧祇律卷第二十二

仕

東晉三藏法師佛陀跋陀羅共沙門法顯譯

佛住舍衛城廣說如上。尔時六群比丘交脚
白衣家坐為世人所譏云：何沙門釋子如王
子大臣交脚坐家內。此壞敗人有何道法。諸
比丘以是因緣往白世尊。佛言：呼六群比丘
來。佛問比丘：汝實尔不。荅言：實尔。佛言：從今
日後不得交脚家內坐。佛告諸比丘：依出舍
衛城住者皆悉。今集以十利故與諸比丘制
戒。乃至已聞者當重聞。不得交脚坐家內。應
當學交脚者髀著髀上。膝著膝上。膈腸著脚
脛上。脚著脚趺上。不得交脚坐家內。應正兩

足若精舍中食上和尙阿闍黎長老比丘前
不得交脚坐若病得交脚坐見上座來當正
坐若塗足挑刺交脚無罪若放恣諸根交脚
坐家內越學法狂癡心亂無罪是故說不得
交脚坐家內應當學

佛住舍衛城廣說如上尔時六群比丘又腰
白裘家內坐為世人所譏云何沙門釋子如
王子大臣力士又腰坐內此壞敗人有何道
法諸比丘以此因緣往白世尊佛言呼六群
比丘來佛問比丘汝實尔不答言實尔佛言
從今日後不得叉腰坐家內佛告諸比丘依
止舍衛城住者皆悉令集以十利故與諸比

比丘制戒乃至已聞者當重聞不得又腰坐家
內應當學又腰者一手又兩手又不得又腰
坐內若精舍中食上和尙阿闍黎長老比丘
前不得又腰坐若老病若風動腰痛又腰無
罪臀瘞瘡癬以藥塗之畏汗衣故又腰無罪
若見上座來應下若放恣諸根又腰坐家內
者越學法狂癡心亂無罪是故說不得又腰
坐家內應當學

佛住舍衛城廣說如上今時六群比丘白衣
家搖足坐舞手並行復折草爲世人所譏云何
沙門釋子如放逸伎兒在家內坐手足不任
此壞敗人有何道法諸比丘以是因緣往白

世尊佛言呼六群比丘來佛問比丘汝實不
不答言實介佛言從今日後不得動手足白
衣家坐

佛告諸比丘依止舍衛城住者皆悉今集以
十利故與諸比丘制戒乃至已聞者當重聞
不得動手足坐家內應當學不得動手足家
內坐者不得動手動足儻手儻足手並折草
坐當安詳靖住若有所問者當先護戒隨順
而答若問四塔者得指示是生處得道處轉
法輪處般泥洹處無罪若擅越欲今比丘起
精舍者應觀地形勢隨住便指示此中可起
精舍此中可起講堂此中可起温室此中可

起僧房得指示無罪若放恣諸根動手足坐家內者越學法狂癡心亂無罪是故說不得動手足坐家內應當學

覆身內諦視 小聲不大笑 覆頭及抄衣

翹脚抱膝蹲 又腰動手足 第二跋渠竟

佛住舍衛城廣說如上介時有檀越精舍中

設供飯僧下食時六群比丘方索水洗手滌

鉢檀越聞已即持熱飯筐撲地嫌言我廢家

務就寺設供望眾僧齊同淨心修福今下食

方有所索出家之人應專心受食云何食上

多有所索諸比丘以是因緣往白世尊佛言

呼六群比丘來佛問比丘汝實介不荅言實

尔佛言從今日後應一心受食佛告諸比丘
依止舍衛城住者皆悉令集以十利故與諸
比丘制戒乃至已聞者當重聞一心受食應
當學一心受食時不得兩手案鉢在脚前當
先淨洗手滌鉢行食至當一心受若直月監
食人後來得索水洗手滌鉢無罪若放恣諸
根不一心受食者越學法狂癡心亂無罪是
故說一心受食應當學

佛住舍衛城廣說如上尔時有長者就精舍
中飯僧六群比丘先多受羹後受飯受飯時
鉢中溢出墮地檀越嫌言我奪妻子分飯食
衆僧欲盡令食而令棄地尊者不知耶此一

粒飯中而有百功。諸比丘以是因緣往白世尊。佛言呼六群比丘來。佛問比丘汝實不
荅言實。佛言從今日後羹飯等受。佛告諸比丘依止舍衛城住者皆悉。今集以十利。故與諸比丘制戒。乃至已聞者當重聞羹飯等受。應當學羹飯等受者不得先取羹後取飯。當先取飯案已後取半羹。若國俗法先行羹後行飯者當取捷鉢拘鉢受。若無者當作樹葉椀受。復無葉者得以鉢受羹。但受飯時應以手遮徐徐下鉢中。莫令溢出。若比丘病宜多須羹者多取無罪。若放恣諸根不羹飯等受者越學法狂癡心亂無罪。是故說羹飯等

受應當學

佛住舍衛城廣說如上。尔時有居士就精舍中設供飯僧時。六群比丘剗四邊食留中央。為世人所譏云。何沙門釋子如放逸人。周而剗食留中央。此壞敗人有何道法。諸比丘以是因緣往白世尊。佛言呼六群比丘來。佛問

比丘汝實尔不。荅言實尔。佛言從今日後不得偏剗食。佛告諸比丘依止舍衛城住者。皆悉令集。以十利故。與諸比丘制戒。乃至已聞者當重聞。不得偏剗食。應當學剗食者。剗四邊留中央。當先受飯。案著一邊。後受羹合。和而食。若酥膩入飯中。不得以美故偏剗取。當次

第取若欲與人者得截半與若放恣諸根周
而剗食者越學法狂癡心亂無罪是故說不
得偏剗食應當學

佛住舍衛城廣說如上尔時居士就精舍中
設供飯僧時六群比丘口中迴食食爲世人
所譏云何沙門釋子如放逸人如馳牛羊口
中迴食食此壞敗人有何道法諸比丘以是
因緣往白世尊佛言呼六群比丘來佛問汝
實尔不荅言實尔佛言從今日後不得口中
迴食食

佛告諸比丘依止舍衛城住者皆悉令集以
十利故與諸比丘制戒乃至凡聞者當重聞

不得口中迴食。應當學口中迴食者。含飯團從一類迴至一類。當一邊嚼即嚼邊咽。若比丘食熬粳米者。當一邊浸一邊嚼。無罪。若放恣諸根。口中迴食。食者越學法。狂癡心亂。無罪。是故說不得口中迴食。食應當學。

佛住舍衛城廣說如上。尔時居士就精舍中設供飯僧時。六群比丘吐舌食。為世人所譏。云何。沙門釋子如放逸人。如虵如鼠如狗。如猫吐舌食。此敗壞人。有何道法。諸比丘以是因緣。往白世尊。佛言呼六群比丘來。來已佛問汝實尔不。荅言實尔。佛言從今日後不得吐舌食。

佛告諸比丘依止舍衛城住者皆悉令集以
十利故與諸比丘制戒乃至已聞者當重聞
不得吐舌食應當學吐舌食者吐出舌以食
著上然後合口若直月及監食人欲知生熟
鹹淡甜酢得著掌中舌舐無罪若病得置鹽
掌中舐無罪若放恣諸根吐舌食者越學法
狂癡心亂無罪是故說不吐舌食應當學
佛住舍衛城廣說如上今時有居士就精舍
設供飯僧時六群比丘大團飯食為世人所
譏云何沙門釋子如放逸人如牛羊駝如獄
餓囚大團飯食此壞敗人有何道法諸比丘
以是因緣往白世尊佛言呼六群比丘來來

已佛問汝實尔不荅言實尔佛言從今日後
不得大團飯食佛告諸比丘皆悉令集以十
利故爲諸比丘制戒乃至已聞者當重聞不
得大團飯食應當學不得大不得小如姪女
人兩粒三粒而食當可口食若比丘食熬米
滿口無罪若放恣諸根大團飯食者越學法
狂癡心亂無罪是故說不得大團飯食應當
學

佛住舍衛城廣說如上尔時有居士就精舍
設供飯僧時六群比丘張口待飯食爲世人
所譏云何沙門釋子如放逸人如龜鼈蝦蟆
張口待食此敗壞人有何道法諸比丘以是

因緣往白世尊佛言呼六群比丘來來已佛
問汝實不答言實不佛言從今日後不得
張口待飯食佛告諸比丘皆悉令集以十利
故與諸比丘制戒乃至已聞者當重聞不得
張口待飯食應當學不得張口待飯食比丘食
時當如雪山烏王食法食入口已並以鼻作
作

後口分齊前食咽已續內後團不得張口而
待若口有瘡得豫張口無罪若放恣諸根張
口待飯食者越學法狂癡心亂無罪是故說
不得張口待飯食應當學

佛住舍衛城廣說如上今時居士於精舍設
供飯僧時六群比丘張口擲團食為世人所

譏云何沙門釋子如婬嫉人擲團而食此壞
敗人有何道法諸比丘以是因緣往白世尊
佛言呼六群比丘來來已佛問汝實不否
言實尔佛言從今日後不得挑團食佛告諸
比丘皆悉令集以十利故與諸比丘制戒乃
至已聞者當重聞不得挑團食應當學

挑團者不得團飯遙擲口中若酸棗若蒲桃
如是種種乃至熬豆挑擲噉無罪若放恣諸
根擲團食者越學法狂癡心亂無罪是故說
不得挑團食應當學

佛住舍衛城廣說如上尔時有居士於精舍
設供飯僧時六群比丘嚙半食半還著鉢中

爲世人所譏云何沙門釋子如放逸人嚙半
食此壞敗人有何道法諸比丘以是因緣往
白世尊佛言呼六群比丘來來已佛問汝實
尔不荅言實尔佛言從今日後不得嚙半食
佛告諸比丘悉皆令集以十利故與諸比丘
制戒乃至已聞者當重聞不得嚙半食應當
學不得嚙半還著鉢中當段段可口食若麩
團大當手中分令可口若飲食芥甘蔗若根
等得嚙無罪若餅當手作分齊令可口若放
恣諸根嚙半食者越學法狂癡心亂無罪是
故說不得嚙半食應當學

佛住舍衛城廣說如上尔時有居士於清舍

設供飯僧時六群比丘含食語爲世人所譏
云何沙門釋子如放逸人如駝牛羊驢含食
鳴喚此壞敗人有何道法諸比丘以是因緣
往白世尊佛言呼六群比丘來來已佛問汝
實尔不荅言實尔佛言從今日後不得含食
語佛告諸比丘皆悉令集以十利故與諸比
丘制戒乃至已聞者當重聞不得含食語應
當學不得含食語若食上和尙阿闍黎長老
比丘喚時咽未盡能使聲不異者得應若不
能得者咽已然後應若前人嫌者應荅言我
口中有食是故不即應若放恣諸根含食語
者越學法狂癡心亂無罪是故說不含食語

應當學

專意等飯羹

巾剝迴頰食

吐舌及大團

張口與遙擲

齧半含食語

第三跋渠竟

佛在舍衛城廣說如上。尔時有居士於精舍設供飯僧時。六群比丘以指拈鉢食爲世人所譏。云何沙門釋子如小兒食如獄中鐵囚。食問言尊者飲食極豐。何以拈鉢。此壞敗人。有何道法。諸比丘以是因緣。往白世尊。佛言呼六群比丘來。來已佛問汝實。尔不荅言實。尔佛言從今日後不得指拈鉢食。佛告諸比丘皆悉。令集十刹。故與諸比丘制戒。乃至已聞者當重聞。不得指拈鉢食。應當學不得拈。

鉢食者不得曲指拄鉢若酥油蜜著鉢者不得曲指拄當以指跑聚然後撮食若放恣諸根指拄鉢食者越學法狂癡心亂無罪是故說不得指拄鉢食應當學

佛住舍衛城廣說如上尔時有居士精舍中設供飯僧時六群比丘舐手食爲世人所譏

云何沙門釋子如小兒得食舐手而食問言尊者我自恣施食何故舐手此敗壞人有何道法諸比丘以是因緣往白世尊佛言呼六群比丘來來已佛問汝實尔不荅言實尔佛言從今日後不得舐手食佛告諸比丘皆悉令集十利故與諸比丘制戒乃至已聞者

當重聞不得舐手食應當學不得反覆舐手
食若酥油蜜石蜜著手者當就鉢緣上攬聚
著一處然後取食若放恣諸根舐手食者越
學法狂癡心亂無罪是故說不得舐手食應
當學

佛住舍衛城廣說如上尔時有居士於精舍
設供飯僧時六群比丘噉指食為世人所譏
云何沙門釋子如小兒噉指食問言尊者我
自恣施食何以噉指此壞敗人有何道法諸
比丘以是因緣往白世尊佛言呼六群比丘
來來已佛問汝實尔不荅言實尔佛言從今
日後不得噉指食

佛告諸比丘皆悉令集十利故與諸比丘制
戒乃至已聞者當重聞不得噉指食應當學
不得噉指食若比丘食羹臠甜膩物者指不
得噉當鉢緣上攬聚一處然後取食若蜜石蜜鹽
著指頭得噉無罪若放恣諸根噉指食者越學
法狂癡心亂無罪是故說不得噉指食應當

學

佛住舍衛城廣說如上尔時有居士於精舍
中設供飯僧時六群比丘噉噉作聲食為世
人所譏云何沙門釋子如猪鼠食聲此壞敗
人有何道法諸比丘以是因緣往白世尊佛
言呼六群比丘來來已佛問汝實尔不答言

實尔佛言從今日後不得嘽噤作聲食

佛告諸比丘皆悉令集十利故與諸比丘制戒乃至已聞者當重聞不得嘽噤食應當學不得嘽噤作聲若放恣諸根嘽噤食者越學法狂癡心乱無罪是故說不得嘽噤作聲食應當學

佛住舍衛城廣說如上尔時有檀越於精舍中設供飯僧時六群比丘吸飯作聲食為世人所譏云何沙門釋子如駱駝牛驢吸食此壞敗人有何道法諸比丘以是因緣往白世尊佛言呼六群比丘來來已佛問汝實尔不答言實尔佛言從今日後不得吸食食

佛告諸比丘皆悉令集十利故與諸比丘制
戒乃至已聞者當重聞不得吸食食應當學
若食薄粥乳酪羹飲不得吸使作聲當徐徐
咽若放恣諸根吸食食越學法狂癡心亂無
罪是故說不得吸食食應當學

佛住舍衛城廣說如上尔時有居士於精舍
中設供飯僧時六群比丘全吞食嚼嚼作聲
爲世人所譏云何沙門釋子如牛驢駱駝食
嚼嚼作聲此壞敗人有何道法諸比丘以是
因緣往白世尊佛言呼六群比丘來來已佛
問汝實尔不荅言實尔佛言從今日後不得
全吞食佛告諸比丘皆悉令集十利故與諸

比丘制戒乃至已聞者當重聞不得全吞食
應當學不得全吞食使嚼嚼作聲若比丘咽
喉病作聲無罪若咽喉乾燥當以水通之然
後咽食若放恣諸根全吞食者越學法狂癡
心亂無罪是故說不得全吞食應當學
佛住舍衛城廣說如上今時有居士於精舍

中設供飯僧時六群比丘落飯食半入口中
半墮地為世人所譏云何沙門釋子如放逸
人落飯食問言大德謂呼此食是無種錢作
耶我奪妻子分布施求福計此一粒百功乃
成應當盡食何故棄地此壞敗人有何道法
諸比丘以是因緣往白世尊佛言呼六群比

丘來來已佛問汝實尔不荅言實尔佛言從
今日後不得落飯食佛告諸比丘皆悉令集
十利故與諸比丘制戒乃至已聞者當重聞
不得落飯食應當學受食時不得令一粒落
地若淨人瀉時墮地無罪食著口中時勿令
落地誤落者無罪若噉魚肉菓菜甘蔗時皮
核滓骨不得蹤擗棄地當聚足邊若放恣諸
根落粒食者越學法狂癡心亂無罪是故說
不得落飯食應當學

佛住舍衛城廣說如上尔時有居士於精舍
中設供飯僧時六群比丘振手食汗比丘坐比
丘衣比丘坐即問長老何故振手為蜈蚣蠅螻

所整耶諸比丘以是因緣往白世尊佛言呼
六群比丘來來已佛問汝實不答言實不
佛言從今日後不得振手食佛告諸比丘皆
悉令集十利故與諸比丘制戒乃至已聞者
當重聞不得振手食應當學若振手時不得
向比坐振若食著手當向已前振若鉢中抖
擻若放恣諸根振手食者越學法狂癡心亂
無罪是故說不得振手食應當學

佛住舍衛城廣說如上尔時有居士於精舍
中設供飯僧時六群比丘看比坐鉢若見小
者便言貞廉自節若飽不用當與我若見捉
大鉢者復言咄咄此貪食人鉢如是大檀越

所供正可滿是我等餘人當復那得諸比丘
聞已慙愧以是因緣往白世尊佛言呼六群
比丘來來已佛問汝實尔不荅言實尔佛言
從今日後不得嫌心看比坐鉢佛告諸比丘
皆悉令集十利故與諸比丘制戒乃至已聞
者當重聞不得嫌心看比坐鉢應當學

不得嫌心視比坐鉢者若監食人看食何處
得何處不得得看無罪若共行弟子若依止
弟子病看其鉢中是應病食不看無罪若看
上下坐為得不無罪若放恣諸根嫌心看比
坐鉢者越學法狂癡心亂無罪是故說不得
嫌心看比坐鉢應當學

佛住舍衛城廣說如上。尔時有居士於精舍中設供飯。僧時有比丘置鉢在前。迴顧共比坐語。六群比丘取鉢著餘處。行食次至。不視鉢。捫摸地。汙手。從檀越索水洗手。時檀越棄飯筐著地。嫌言我廢家務。修福飯僧。應齊集受食。今行食時。方索水洗手。出家之人當端心觀鉢食。此壞敗人有何道法。諸比丘以是因緣。往白世尊。佛言呼六群比丘來。來已佛問比丘。汝實尔不。荅言實尔。佛言從今日後當端心觀鉢食。佛告諸比丘。皆悉令集。十利故。與諸比丘制戒。乃至已聞者。當重聞。端心觀鉢食。應當學。

端心觀鉢者不得放鉢在前共比坐語若有
因緣須共左右語者左手撫鉢上若行食到
第三人時當先滌鉢豫擎待至若放恣諸根
不學端心觀鉢者越學法狂癡心亂無罪是
故說端心觀鉢食應當學

佛住舍衛城廣說如上介時有居士於精舍
中設供飯僧時六群比丘索飯索羹為檀越
所譏云何沙門釋子食上索飯索羹問言尊
者我自恣與食何故喚索諸比丘以是因緣
往白世尊佛言呼六群比丘來來已佛問汝
實尔不荅言實尔佛言從今日後不聽索食
復次佛住迦維羅衛國釋氏精舍如來應供

正遍知以五事利益故五日一行諸比丘房
見一病比丘羸瘦萎悴佛知而故問比丘汝
病何似荅言世尊我病苦不適佛語比丘汝
不能索隨病食隨病藥耶荅言世尊制戒不
聽索食

佛言從今日後聽病比丘索食佛告諸比丘
依止迦維羅衛城住者皆悉令集十利故與
諸比丘制戒乃至已聞者當重聞不得無病
爲己索食應當學

不得無病爲己索羹飯若病須多羹得索無
罪若放恣諸根無病爲己索食者越學法狂
癡心亂無罪是故說比丘不病不得爲己索

食應當學

佛在舍衛城廣說如上。尔時有居士精舍中設供飯僧時。六群比丘先受魚肉羹。後以飯覆上。監食人看見已。即問言：長老得魚肉羹。不荅言。長壽汝見色。自知何故。復問監食人：問行食人。何以不與此中魚肉羹。荅言：何處不得此中。未得。又言：我已與。何故言不得。諸比丘以是因緣。往白世尊。佛言：呼六群比丘來。來已。佛問汝實尔。不荅言。實尔。佛言：從今日後。不得以飯覆羹。更望得。佛告諸比丘：皆悉令集。十利故。與諸比丘制戒。乃至已聞者。當重聞。不得以飯覆羹。更望得。應當學。

若比丘迎食慮汗衣者不得盡覆當露一邊
若一切覆者前人問得未應荅已得若放恣
諸根以飯覆羹者越學法狂癡心亂無罪是
故說不得以飯覆羹更望得應當學

佛住舍衛城廣說如上尔時有居士於精舍
中設供飯僧時六群比丘膩手捉飲器比丘坐
惡不受諸比丘以是因緣往白世尊佛言呼
六群比丘來來已佛問汝實尔不荅言實尔
佛言從今日後不得膩手取飲器佛告諸比
丘皆悉令集十利故與諸比丘制戒乃至已
聞者當重聞不得膩手受飲器應當學不
得膩手取飲器者比丘食時應護左手當

以左手受飲器柱脣而飲不得口深含器緣亦不得令緣觸鼻額不得盡飲當留少許當口處瀉棄之更以水滌次行與下若左手病瘡者右手就鉢緣上淨揩去膩淨水洗若不淨以葉承取飲已如上說若放恣諸根以膩手取飲器者越學法狂癡心亂無罪是故說不得以膩手受飲器應當學

佛住舍衛城廣說如上尔時有居士精舍中設供飯僧時六群比丘鉢中餘食蕩已棄地檀越嫌言尊者謂此食是無子錢作耶我奪妻子分爲福德故一粒百功云何瀉地此壞敗人有何道法諸比丘以是因緣往白世尊

佛言呼六群比丘來來已佛問汝實尔不荅
言實尔佛言從今日後不得鉢中殘食瀉地
佛告諸比丘皆悉令集十利故與諸比丘制
戒乃至已聞者當重聞不得以鉢中殘食棄
地應當學

不得鉢中殘食棄地者食時當稱腹而取不
得多受若淨人卒與多者未噉時應減與比
坐若比坐不取應與沙弥及園民若洗鉢時
不得一粒瀉棄地若有者應聚著板上葉上
若細粒若麩不可得聚者無罪若放恣諸根
以鉢中殘食瀉地者越學法狂癡心亂無罪
是故說不得以鉢中殘食棄地應當學

嚼飯及作聲

全吞并落粒

振手看他鉢

端心為己索

覆糞膩手棄

四跋渠說竟

佛住毗舍離廣說如上。尔時難陀優波難陀立為坐。離車童子說法為世人所譏云。何沙門釋子如伎人立為坐。人說法此壞敗人。有何道法。然此童子無恭敬心說如是微妙法。時應與床坐云。何坐聽。令彼立說。諸比丘以是因緣。往白世尊。佛言呼難陀。優波難陀來。來已佛問上事。汝實尔不。荅言實尔。佛言汝云何立為無病坐。人說法從今日後不聽立為坐。人說法。佛告諸比丘。依止毗舍離城住者。皆悉令集。十利故。與諸比丘制戒。乃至已。

聞者當重聞人坐比丘立不得為說法除病
應當學病者世尊說無罪說者為前人開解
其義分別演說欲令如說修行法者佛所說
佛所印可佛所說者如來應供正遍知自說
佛所印可者聲聞所說佛讚善哉是名印可
不得立為坐人說法前人病者無罪若比丘
為塔為僧事詣王若地主彼言比丘為我說
法不得語令起恐彼疑故若邊有立人者即
作意為立人說王雖聽比丘無罪若放恣諸
根立為無病坐人說法者越學法狂癡心亂
無罪是故說人坐比丘立不得為說法除病

應當學

佛住毗舍離廣說如上。尔時難陀優波難陀
坐為卧人說法為世人所譏云何。沙門釋子
如彼人坐為卧人說法。此壞敗人有何道法。
此聽法人無恭敬心聞說如是微妙法云何。
卧聽諸比丘以是因緣往白世尊。佛言呼難
陀優波難陀來來。已佛問汝實。尔不荅言實。
尔佛言汝云何坐為無病卧人說法。從今日
後人卧比丘坐不得為說法除病。
佛告諸比丘皆悉。今集十利。故與諸比丘制
戒乃至已聞者當重聞。人卧比丘坐不得為
說法除病。應當學病者世尊說無罪說法者
如上說。

若比丘爲塔爲僧事若詣王若地主時彼言
比丘爲我說法不得語令起恐生疑故若邊
有坐人者當爲坐人說王雖聽比丘無罪若
放恣諸根坐爲無病卧人說法者越學法狂
癡心亂無罪是故說人卧比丘坐不得爲說
法除病應當學

佛住毗舍離廣說如上亦時難陀優波難陀
坐卑小牀爲高牀上軍將師子說法爲世人
所譏云何沙門釋子如似伎兒自坐卑小床
爲高床上人說法此壞敗人何道之有然此
師子軍將無恭敬心聞如是微妙法時云何
自坐高床使彼坐卑小床而爲說法諸比丘

以是因緣往白世尊

佛言呼難隨優波難隨來來已佛問汝實不
不荅言實尔佛言汝云何坐卑下床為高床
上人說法從今日後人在高床上已在下不
得為說法除病佛告諸比丘皆悉令集十利
故與諸比丘制戒乃至已聞者當重聞人在

高床比丘在卑床不得為說法除病應當學
卑床有二種一者下床名卑二者麤弊亦名
卑高者二種高大名高妙好者亦名高病者
世尊說無罪說法者如上說不得坐卑床為
坐高床人說法病人無罪若比丘為塔為僧
事詣王若地主彼言比丘為我說法尔時不

得語令易坐恐生疑故若邊有人應作意爲
下人說王雖坐高床聽比丘無罪若放恣諸
根在卑床爲坐高床人說法者越學法狂癡
心亂無罪是故說人在高床比丘在卑床爲
說法除病應當學

佛任毗舍離廣說如上尔時難陀優波難陀
爲著革徒離車童子說法爲世人所譏云何
沙門釋子如諸伎兒爲著革徒人說法此壞
敗人有何道法而此童子聞說妙法無恭敬
心不脫革徒聽法諸比丘以是因緣往白世
尊佛言呼難陀優波難陀來來已佛問比丘
汝實尔不荅言實尔佛言汝云何爲無病著

革癡人說法從今日後不得爲著革癡人說法除病佛告諸比丘皆悉令集十利故與諸比丘制戒乃至已聞者當重聞不得爲著革癡人說法除病應當學革癡者若一重若兩重說法者如上說不得爲無病著革癡人說法病者佛說無罪若比丘爲塔事僧事乃至

邊有淨人者當立意爲彼人說王聽無罪

若比丘在險路恐怖處防衛人言尊者爲我說法彼雖著革癡爲說法無罪若放恣諸根爲無病著革癡人說法者越學法狂癡心亂無罪是故說不得爲著革癡人說法除病應

當學

佛住毗舍離廣說如上。尔時難陀優波難陀
爲著木屐離車童子說法爲世人所譏云。何
沙門釋子如諸伎兒爲著屐人說法。此壞敗
人有何道法。而此童子無恭敬心聞如是微
妙法。應當脫屐云。何著屐聽法。諸比丘以是
因緣往白世尊。佛言呼難陀優波難陀來來
已。佛問比丘。汝實尔不。荅言實尔。佛言。汝云
何爲無病。著屐人說法。從今日後不得爲著
屐人說法除病。

佛告諸比丘。皆悉令集。十利故與諸比丘制
戒。乃至已聞者當重聞。不得爲著屐人說法。
除病應當學病者。世尊說無罪屐者十四種。

金履銀履摩屈履牙履木履多羅履皮履欽
婆羅履緹履芒履樹皮履婆迦履草履如是
等種種履是名履說法者如上說若比丘爲
塔爲僧事詣王若地主彼言比丘爲我說法
不應語令脫履恐生疑故若邊有淨人者應
作意爲淨人說王聽無罪若放恣諸根爲無
病著履人說法者越學法狂癡心亂無罪是
故說不得爲著履人說法除病應當學
佛住毗舍離廣說如上今時難陀優波難陀
爲覆頭離車童子說法爲世人所譏云何沙
門釋子如伎兒爲覆頭人說法此壞敗人有
何道法而此童子無恭敬心聞如是微妙法

應却頭上覆云何覆頭聽法諸比丘以是因緣往白世尊佛言呼難陀優波難陀來來已佛問汝實不答言實佛言汝云何爲無病覆頭人說法從今日後不得爲覆頭人說法除病

佛告諸比丘皆悉今集十利故與諸比丘制

戒乃至已聞者當重聞不得爲覆頭人說法除病應當學病者世尊說無罪覆頭者一切覆說法者如上說得爲病人說法無罪

若比丘爲塔爲僧事詣王若地主時乃至邊有淨人者當立意爲彼人說王聽無罪

若比丘在怖畏險道行時防衛人言尊者爲

我說法彼雖覆頭爲說無罪放恣諸根爲無
病覆頭人說法者越學法狂癡心亂無罪是
故說不得爲覆頭人說法除病應當學
佛住毗舍離廣說如上尔時難陀優波難陀
爲纏頭離車童子說法爲世人所譏云何沙
門釋子如俳說人爲纏頭人說法此壞敗人
有何道法然此童子無恭敬心聞是妙法云
何纏頭聽說諸比丘以是因緣往白世尊佛
言呼難陀優波難陀來來已佛問汝實尔不
荅言實尔佛言汝云何爲無病纏頭人說法
從今日後不得爲纏頭人說法除病佛告諸
比丘依止毗舍離城住者皆悉令集十刹故

與諸比丘制戒乃至已聞者當重聞不得爲
纏頭人說法除病應當學病者世尊說無罪
纏頭者若衣纏若絹纏說法者如上說得爲
病纏頭人說法無罪若比丘爲塔爲僧事故
詣王若地主彼作是言比丘爲我說法不得
語令解纏恐生疑心故若邊有淨人者當作
意爲彼說王雖聽無罪若比丘在怖畏險道
行時防衛人言尊者爲我說法彼人雖纏頭
爲說無罪若放恣諸根爲無病纏頭人說法
者越學法狂癡心亂無罪是故說不得爲纏
頭人說法除病應當學

佛在毗舍離廣說如上亦時難陀優波難陀

爲離車童子抱膝蹲人說法爲世人所譏云
何沙門釋子如俳說人爲抱膝蹲人說法此
壞敗人有何道法而此童子無恭敬心聞如
是微妙法應如法坐云何抱膝聽諸比丘以
是因緣往白世尊佛言呼難陀優波難陀來
來已佛問汝實尔不荅言實尔佛言汝云何
爲無病抱膝人說法從今日後不得爲抱膝
人說法除病佛告諸比丘皆悉令集十利故
與諸比丘制戒乃至已聞者當重聞不得爲
抱膝蹲人說法除病應當學病者世尊說無
罪抱膝者手抱衣抱帶抱說法者如上說爲
病人說無罪若比丘爲塔爲僧事詣王若地

主時乃至邊有淨人應作意為淨人王雖聽
為說無罪若放恣諸根為無病抱膝人說法
者越學法狂癡心亂無罪是故說不得為抱
膝蹲人說法除病應當學

佛住毗舍離廣說如上尔時難陀優波難陀為
翹脚坐離車童子說法為世人所譏云何沙
門釋子如俳說人為翹脚人說法此壞敗人
有何道法然此童子無恭敬心聞是妙法應
正坐云何翹脚坐諸比丘以是因緣往白世
尊佛言呼難陀優波難陀來來已佛問汝實
尔不荅言實尔

佛言汝云何為無病翹脚人說法從今日後

不得爲翹脚人說法除病佛告諸比丘皆悉
令集十利故與諸比丘制戒乃至已聞者當
重聞不得爲翹脚人說法除病應當學病者
世尊說無罪翹脚者脛著脛上膝著膝上膊
著脛上脚著脚踏上說法者如上說不得爲
無病翹脚人說法病者爲說無罪若比丘爲
塔爲僧事詣王若地主彼言比丘爲我說法
不得語彼令正坐恐生疑心故彼邊有淨人
者當作意爲彼人說王雖聽無罪若放恣諸
根爲無病翹脚人說法者越學法狂癡心亂
無罪是故說不得爲翹脚人說法除病應當
學

爲坐及眠說 高床著革屣 著屐并覆頭
纏頭抱膝蹲 不爲翹脚說 第五跋渠竟
佛任毗舍離廣說如上 尔時難陀優波難陀
爲持刀離車童子說法爲世人所譏云何沙
門釋子如伎人爲捉刀人說法此壞敗人有
何道法然此童子無恭敬心聞此妙法應當
一心合掌云何如屠兒捉刀聽法諸比丘以
是因緣往白世尊佛言呼難陀優波難陀來
來已佛問汝實尔不答言實尔佛言汝云何
爲捉刀人說法從今日後不得爲持刀人說
法佛告諸比丘依止毗舍離城住者皆悉令
集十利故與諸比丘制戒乃至已聞者當重

聞不得爲持刀人說法應當學持者手捉刀者大刀小刀劒說法者如上說不得爲持刀人說法若比丘爲塔爲僧事詣王若地主彼言比丘爲我說法不得語令放刀恐生疑心故若邊有淨人當作意爲淨人說王雖聽無罪若比丘險道恐怖處行時防衛人言尊者爲我說法彼雖捉刀爲說無罪若放恣諸根爲捉刀人說法者越學法狂癡心亂無罪是故說不得爲持刀人說法應當學

佛住毗舍離廣說如上介時難陀優波難陀爲持弓箭離車童子說法爲世人所譏云何沙門釋子如伎人爲持弓箭人說法比壞敗

人有何道法然此童子無恭敬心聞是妙法
應放弓箭云何如獵師捉弓箭聽法諸比丘以
是因緣往白世尊佛言呼難陀優波難陀來
來已佛問汝實尔不荅言實尔佛言汝云何
爲持弓箭人說法佛言從今日後不得爲持
弓箭人說法佛告諸比丘皆悉令集十利故
與諸比丘制戒乃至已聞者當重聞不得爲
持弓箭人說法應當學持者手提弓箭者防
衛杖也說法者如上說不得爲持弓箭人說
法若比丘爲塔爲僧事詣王若地主時彼言
比丘爲我說法不得語令放弓箭恐彼生疑
若邊有淨人者應作意爲淨人說王雖聽無

罪若比丘怖畏險道行時防衛人言尊者為
我說法彼雖持弓箭為說無罪若放恣諸根
為捉弓箭前人說法者越學法狂癡心亂無罪
是故說不得為持弓箭人說法應當學

佛在毗舍離廣說如上今時難陀優波難陀
為持杖離車童子說法為世人所譏云何沙
門釋子如伎人為捉杖人說法此壞敗人有
何道法然此童子無恭敬心聞是妙法應當
捨杖云何捉杖聽法諸比丘以是因緣往白世
尊佛言呼難陀優波難陀來來已佛問汝實
尔不荅言實尔佛言汝云何為無病捉杖人
說法從今日後不得為持杖人說法除病佛

告諸比丘皆悉令集十利故與諸比丘制戒
乃至已聞者當重聞不得為持杖人說法除
病應當學病者世尊說無罪捉杖者一切杖
說法者如上說不得為無病持杖人說法病
者無罪若比丘為塔為僧事詣王若地主彼
言比丘為我說法不得語令放杖恐彼疑心
故若邊有淨人者應作意為淨人說王雖聽
無罪若比丘在怖畏險道行時防衛人言尊
者為我說法彼雖捉杖為說無罪若放恣諸
根為無病捉杖人說法者越學法狂癡心亂
無罪是故說不得為持杖人說法除病應當
學佛任毗舍離廣說如上尔時難陀優波難

陀爲持蓋離車童子說法爲世人所譏云何
沙門釋子如伎人爲持蓋人說法此壞敗人
有何道法然此童子無恭敬心聞是妙法應
當却蓋云何捉蓋聽法諸比丘以是因緣往
白世尊佛言呼難陀優波難陀來來已佛問
比丘汝實尔不荅言實尔佛言汝云何爲無
病持蓋人說法從今日後不得爲持蓋人說
法除病

佛告諸比丘皆悉令集十利故與諸比丘制
戒乃至已聞者當重聞不得爲持蓋人說法
除病應當學病者世尊說無罪蓋者樹皮蓋
多羅葉蓋多梨葉蓋竹傘蓋疊傘蓋孔雀尾

蓋如是等種種能遮雨日者皆名傘蓋說法者如上說不得爲無病捉蓋人說法病者無罪若比丘爲塔爲僧事詣王若地主彼言比丘爲我說法不得令却蓋恐生疑故若邊有淨人應作意爲淨人說王雖聽無罪若法師若律師風雨寒雪大熱時捉蓋爲說無罪若放恣諸根爲無病捉蓋說法者越學法狂癡心亂無罪是故說不得爲持蓋人說法除病應當學

佛住毗舍離廣說如上今時難陀優波難陀隨離車童子後行說法爲世人所譏云何沙門釋子如伎人隨人後爲說法此壞敗人有

何道法然此童子無恭敬心聞是妙法應當
在後而聽諸比丘以是因緣往白世尊佛言
呼難陀優波難陀來來已佛問汝實不答
言實不佛言汝云何隨無病人後爲說法從
今日後人在前不得隨後爲說法除病佛告
諸比丘皆悉令集十利故與諸比丘制戒乃
至已聞者當重聞人在前不得隨後爲說法
除病應當學病者世尊說無罪後者人在前
比丘在後說法者如上說不得隨無病人後
而爲說法病者無罪若比丘爲塔爲僧事詣
王若地主彼言比丘爲我說法不得語今在
後恐生疑心若邊有淨人者應作意爲淨人

說王雖聽無罪若比丘在怖畏險道行時防衛人言此處賊常喜前發我當在前尊者在前後爲我說法爲說無罪若比丘眼惡前人捉杖牽前爲說無罪若放恣諸根在無病人後說法者越學法狂癡心亂無罪是故說人在前比丘在後不得爲說法除病應當學

佛在毗舍離廣說如上今時難陀優波難陀爲騎乘離車童子說法爲世人所譏云何沙門釋子如伎人爲騎乘人說法此壞敗人有何道法而此童子無恭敬心聞是妙法應當下乘云何騎乘聽法諸比丘以是因緣往白世尊佛言呼難陀優波難陀來來已佛具問

上事汝實介不荅言實介佛言汝云何爲無
病騎乘人說法從今日後騎乘人不得爲說
法除病佛告諸比丘皆悉令集十利故與諸
比丘制戒乃至已聞者當重聞騎乘人不得
爲說法除病應當學病者世尊說無罪乘者
有八種爲乘馬乘牛乘驢乘船乘車乘輿乘
輦乘說法者如上說不得爲無病騎乘人說
法病者無罪若比丘爲塔爲僧事詣王若地
主彼言比丘爲我說法不應語令下乘恐生
疑心故若邊有淨人者應作意爲淨人說王
雖聽無罪若比丘在怖畏險道行時防衛人
言尊者爲我說法彼雖騎乘爲說無罪若放

忍諸根為無病騎乘人說法者越學法狂癡
心亂無罪是故說不得為騎乘人說法除病
應當學

佛住毗舍離廣說如上尔時難陀優波難陀
在道外為道中離車童子說法為世人所譏
云何沙門釋子如伎人已在此道外為道中人
說法此壞敗人有何道法而此童子無恭敬
心聞是妙法應避道令比丘道中云何自在
道中諸比丘以是因緣往白世尊佛言呼難
陀優波難陀來來已佛問汝實尔不荅言實
尔佛言汝云何在道外人在道中為說法從
今日後不得道外為道中人說法除病佛告

諸比丘皆悉令集十利故與諸比丘制戒乃至已聞者當重聞不得道外爲道中人說法除病應當學病者卅尊說無罪道外者比丘在道外道中者前聽人說法者如上說不得道外爲無病道中人說法病無罪若比丘爲塔爲僧事詣王若地主彼言比丘爲我說法比丘不得語今在道外恐彼生疑若邊有淨人者當作意爲淨人說王雖聽無罪若比丘在怖畏險道行時防衛人言尊者在道外我在道中若有賊出我當拒之尊者爲我說法彼雖在道中爲說無罪若放恣諸根在道外爲無病道中人說法者越學法狂癡心亂無

罪是故說不得在道外為道中人說法除病
應當學

佛住舍衛城廣說如上今時波斯匿王欲詣
車庫園林他觀語侍者言明當與夫人姝女
出東園遊看可掃灑莊嚴敷施坐褥時六群
比丘聞已先往到彼於奕草上涕唾復取樹
葉裹不淨著池中浮其日王出夫人姝女
在宮日久常思遊看今得從意如囚出獄到
園中見諸奕草各各馳趣並遙占言此是我
許此是我許即便坐上涕唾汗衣各趣池水
洗手湔衣見池水上有諸葉裹又作是念將
是諸年少聞我等當出必裹諸香著此水中

以待我輩各各諍之此是我許此是我許競
捉葉裏不淨瀆出汗諸衣物展轉相謂竒事
竒事本謂是香乃是不淨即白王言此是竒
惟王先勅掃灑今不淨乃尔王問園民誰汗
此園園民白王昨日六群比丘在此中戲良
久乃出或是彼汗諸比丘以是因緣往白世
尊佛言呼六群比丘來來已佛具問上事汝
實尔不荅言實尔佛言汝等云何生草上及
水中大小便涕唾從今日後不聽生草上水
中大小便涕唾佛告諸比丘皆悉令集十利
故與諸比丘制戒乃至已聞者當重聞不得
生草上大小便涕唾應當學不得水中大小

便涕唾應當學不得生草上大小便涕唾當
在無草地若夏月生草普茂無空缺處者當
在駱駝牛馬驢羊行處若復無是者當在塽
瓦石上若復無者當在乾草葉上若復無者
當以木枝承令糞先墮木上後墮地若比丘
經行時不得涕唾生草上經行頭當著唾壺
瓦石草葉以細灰土著唾壺中然後唾上若
大小便涕唾汗手脚得拭生草水者十種如
上說不得大小便涕唾水中當在陸地若雨
時水平浮滿當在土塊上若無是者當於瓦
石上若竹木上先墮木上然後水中若掘地
作溷廁底水出者比丘不得先在上起止當

先使淨人然後比丘無罪若溷廁底有流水
當以木承已後墮水中若大小便涕唾汗手
脚得水洗水中洗大小行無罪若比丘入水
浴時不得唾中若遠岸者當唾手中然後棄
若放恣諸根生草上大小便涕唾者越學法
狂癡心亂無罪若放恣諸根水中大小便涕
唾者越學法狂癡心亂無罪是故說不得生
草上大小便涕唾應當學不得水中大小便
涕唾應當學

佛住舍衛城廣說如上尔時六群比丘立大
小便爲世人所譏云何沙門釋子如牛驢駱
駝立大小便此壞敗人有何道法諸比丘以

是因緣往白世尊佛言呼六群比丘來來已
佛問汝實不否言實亦佛言汝云何立大
小便從今日後不得立大小便佛告諸比丘
皆悉令集十利故與諸比丘制戒乃至已聞
者當重聞不得立大小便應當學不得立大
小便若脚有泥土畏汗衣者得立無罪脚若病
若瘡若腫得立無罪若放恣諸根立大小便
者越學法狂癡心亂無罪是故說不得立大
小便應當學
捉刀持弓箭 持杖并傘蓋 後行騎乘人
道外生草上 水中立便利 第六跋渠竟
七滅諍法第八

佛住舍衛城廣說如上。今時佛告阿難。僧有
諍事。汝往斷滅。令止諍事。阿難白言。云何僧
諍事斷。當令滅。佛言。六群比丘。知僧如法。如
毗尼斷。諍滅後。更舉諸比丘。諍事更起。作是
言。是非法。乃至是處。羯磨非處。羯磨如波夜
提中廣說。乃至世尊弟子僧無量。常所行事。
一切七止諍法。滅是名常所行事。七止諍法。
滅是故說。若比丘知僧如法。如毗尼滅。乃至
後更舉波夜提。七滅諍法。竟法隨順法者。如
二部毗尼隨順者。順行此法也。波羅提木叉
分別竟。

摩訶僧祇律卷第二十二

仕

髀脾 上蒲米反 臄臄 上時軟反 脛 胡定 跌 夫音 挑 土

反醫 瘞 昨上音 和 屯下 翹 反巨 遙 徒的 滌 徒的 筐

音匡 撲 反疋木 溢 反夷一 奪 反徒活 捷 鎡 二字音 剗 音枯

腴頰 下古怙反 嚼 反才約 咽 反於見 熬熬 二吾高反 猫

反莫交 鹹 咸音 甜 酢 下古徒添反 舐 反時只 挑團 作上音

徒甲 酸棗 上蘇官反 苾 反郎果 分齊 去音 並

反子 雜 拔 反云粉 跑 反步交 撮 反七活 擻 反古愛 噉 反烏八 燥

正作 臍 反呼各 嘽 上音 入 反博下 喟 反烏八 燥

蘇孝 反核 滓 上閑革反 蜈蚣 二 字音 螻 上

達 反下 整 一呼各 釋 反 抖擻 二字音 咄 骨丁

二丁 反恬 撲 反疋木 滌 反徒的 萎悴 下上烏為反 惡不

二反恬 撲 反疋木 滌 反徒的 萎悴 下上烏為反 惡不

故上
反一
拄
反
柱
額
額
下
正
名
反
徒
反
所
綺
履
反
奇
逆
俳

排音
縱
線
二
先
見
反
芒
亡音
獾
獵
下
良
輒
反
傘
蓋
散
上
音

舉
輦
下
上
余
頽
二
音
拒
巨音
匿
反
力
奕
濡
字
軟
涕
唾

上音替下
前
衣
煎
上音
瀆
音
博
音
唾
壺
下音
塊

土卧反
對
掘
勿
二
反
其
月
其
其
困
廁
下
上
胡
困
反
反

反
傾
對
掘
勿
二
反
其
月
其
其
困
廁
下
上
胡
困
反
反



